

BAPTIST CHURCH OF MIZORAM

AWMNIKHAM TAWNGTAI RUAL

A hun : Dt 6. September. 2025 Inrinni,

11:00am – 3:00pm

TAWNGTAI VAWI KHATNA: 11:00 a.m - 11:45 a.m

LAWMTHUSAWINA LEH SUALTHUPHACHAWI TAWNGTAINA

Hruaitu:

Tanna:

Hla:

LAWMTHUSAWI TAWNGTAINA:

1. Assembly thurel bawhzuia awmnikham tawngtaina hun kan hman theih avangin.
2. Pathianin Chanchin Tha min pek avang leh Chanchin Tha rawn thlentu Zosap Missionary-te avangin lawmthu i sawi ang u.
3. Chanchin Tha avanga kan ramin malsawmna hrang hrang kan dawnte avangin.
4. Pathianin Kohhran min dinsak avang leh Chanchin Tha hril zel theia Kohhranhote min buatsaih avangin.
5. Pathian chibai bukna hun tha leh zalen kan la neih theih zel avangin lawmthu i sawi ang u.
6. BCM Headquarters, ABC, Bial leh Tualchhung Kohhranah hruaitu tha tak tak min pek avangin.
7. BCM hi zaikhata luanga inpumkhatna tha tak(Centralised Church) neia kan la kal zel theih avang leh rawngbawlna hrang hranga hma kan sawn zel avangin.

SUALTHUPHACHAWI TAWNGTAINA:

8. Pathian laka kan bawhchhiatna te, kan mihringpuite laka kan tihsualte, avangin Pathian hnenah mimal tin thupha chawin i tawngtai ang u.
9. Pathian malsawmna kan dawnte hmang thiam lova amah hlat nana kan hman nasat tak em avangin thupha chawi ila, malsawmna aia malsawmtu kan ngaih pawimawh zawk theih nan.
10. Kan ramah Politics hman dik loh avanga kan tuarna nasa tak avangin thupha chawi ila, politics dik taka kalpui anih theih nan i tawngtai ang u.

10. Kan ramah eirukna, hlemhletna, duhamna leh thuneihna hman dik loh a hluar tak em avangin ngaihdam dil ila, hetiang soal hi a lo reh theih nan i tawngtai ang u.

11. Kan ramah tualthahna, ruk ruk leh inrawkte a lo hluar tak avanga soal thupha chawiin, hetiang soalna hi a lo reh theih nan.

12. Mipat hmeichhiat hman khawlohna a hluar tak avangin soal thupha chawi ila, hetiang soalna hi a lo reh theih nan.

13. Ruih theih thil lo hluar ta lutuk avanga soal thupha chawiin, ruih theih thil zuar leh tithinten an sim theih nan.

14. Pawngsoal leh inbumna lo hluar ta avanga soal thupha chawiin, hetiang soalna hi a lo reh theih nan.

15. Pathian thilsiam nungcha, leilung, ramngaw, lui, thing leh mau kan enkawl that tawk loh avanga soal thupha chawiin, tun aia thaa kan enkawl theih nan i tawngtai ang u.

TAWNGTAI VAWI HNIHNA: 11:45 a.m – 12:30 p.m
RAM LEH KHAWTLANG TAN:

Hruaitu:

Tanna:

Hla:

1. Ram hruaitu lûte- Chief Minister, Cabinet Ministers, Minister-te leh MLA-ten Pathian tihna leh zahna nena ram an hruai theih nan.

2. District Council pathum- Chakma, Lai, Mara leh Sinlung Hills Development Council-a hruaituten ram hmangaihna tak tak neia rinawm taka hna an thawh theih nan.

3. Political Party hrang hranga mawhpurhna neiten thinlung thianghlim pu chung a hma an lak theih nan.

4. Aizawl Municipal Corporation(AMC), Lunglei Municipal Council(AMC) leh Village Council(VC) member zawng zawngten dik tak leh rinawm taka khawtlang an kaihhruai theih nan.

5. Sawrkar hnathawkten Pathian tihna tak tak nen rinawm taka hna an thawh theih nan.

6. Mizorama Tlawmngai Pawl hrang hrang (NGO) hruaituten ram hmangaihna tak tak nena pawl an hruai theih nan.

7. Kut hnathawktute leh sumdawngten rinawm leh dik taka an thawh a, an thawhrim rah ang tak an seng ngei theih nan.
8. School, College, University leh zirna in hrang hranga thawktuten thahnemngaihna thar nena zirtirna an pek a, zirlaiten thiamna chhawrtlak an zir chhuah ngei theih nan.
9. Police leh driver-ten mipui himna tur ngaihtuah a, dik tak leh rintlaka hna an thawh theih nan.
10. Damdawi in hrang hranga thawktuten hmangaihna leh khawngaihna thinlung pua damlo an enkawl theih nan.
11. Ngawlvei leh fahrah enkawlina hrang hranga thawktuten Krista rilru pua hmangaihna leh lainatna nena rawng an bawl theih nan leh an enkawlten chhanchhuahna an chan theih nan.
12. Zuk leh hmuam, zu leh ruih theih thil leh a kaihhnawih hrang hrang titute leh zuar thinten an bansan theih nan.
13. Zofate hian hriselna kan ngaih pawimawh deuh deuh a, kan ramah HIV/AIDS, Cancer leh natna khirh tak tak lo hluar zel hi a tlem tial tial theih nan.
14. Kristian chhungkua dinthar lehna rilru kan put len deuh deuh a, nupa inthen leh chhungkaw kehchhia an tlem deuh deuh theih nan.
15. Mizorama chengte hian ram leh hnam hmangaihna rilru pu a, khua leh tui tha tak nih duhna thinlung kan put theih nan.
16. Zofate hian Zonun zemawi tlawmngaihna, aia upa zahna, dikna leh rinawmna kan tundin thar leh theih nan.

12:30 p.m – 1:00 pm : Chhun chawlh

TAWNGTAI VAWI THUMNA :1:00 – 2:00 p.m
KOHHARAN TAN

Hruaitu:
Tanna:
Hla:

1. BCM Puipate - President, President Elect, General Secretary, AGS Mission, AGS Service leh Statistician te tan. Pathian Thlarau hruainaa inpumkhatna tha tak nena rawng an bawlho theih nan.

2. Aizawl leh Lawngtlaia Executive Secretary te, Head of Department leh Head of Institution-te tan. Anmahni chanpual theuh tha taka an hlen theih nan.
3. Kohhran Office- Serkawn, Aizawl leh Lawngtlaia thawktuten thahnemngaihna thar nen luangrual taka an rawngbawl hna an thawh zel theih nan.
4. Bialtu Pastor leh Pro Pastor-ten hmangaihna leh inpekna thar nen Kohhran an enkawl zel theih nan.
5. Pathian thu zirna- AICS, Jubilee Bible School leh BCM hnuaia zirna in hrang hranga zirtirtu leh zirlai zawng zawngten Thlarau Thianghlim pawl tharna an chan theih nan.
6. ABC, Bial leh Tualchhung Kohhrana hruaitu mawhphurhna chelhtu Upa leh rawngbawltuten an rawngbawl na tha taka an hlen theih nan.
7. Headquarters, Bial leh Unit tina Fellowship hruaitute leh member-te tan – hmalam pana lungrual taka Lalpa rawng an bawl zel theih nan.
8. Kohhran rorelna leh Committee hrang hranga member-ten Thlarau Thianghlim hruainaa thutlukna dik an siam zel theih nan.
9. Kohhran rorelna leh Committee hrang hranga member-ten thurel an vawnhim a, a hun dik takah hlawhtling tura an bawhzui theih nan.
10. Kohhranah inthliarna leh induhsakna a awm lohna tura thinlung thianghlim kan put deuh deuh a, hetiang awm thei laka kan invenhim theih nan.
11. Rualbanlo, changhai leh khuarel chhiatna tawkte chhawmdawl na kawngah hma kan sawm deuh deuh theih nan.
12. Christian Hospital Serkawn, Christian Hospital Lawngtlai, Baptist Church Orphanage Serkawn leh Chhawmdawl na Ina thawktuten inpekna thar nen rawng an bawl zel theih nan.
13. Counsellor-te tan- BCM Counselling Center, Jail leh Hospital hrang hrangah rawngbawl na an nei thin. Thlarau Thianghlim thuama an awm zel theih nan.
14. Kohhrana thawktu zawng zawngten inpekna thar nena rawng an bawl theih nan.
15. Mizorama Kohhran hrang hrang leh Para Church hrang hrangten Krista rilru pua inpumkhatna leh thawhhona tha zawk kan neih zel theih nan.

TAWNGTAI VAWI LINA : 2:00 – 3:00PM
HARHNA LEH SIAMTHARNA DILA TAWNGTAINA

Hruaitu:

Tanna:

Hla:

1. Mizoram pumhuap Thlarau Thianghlim harhna a lo thlen leh theih nan.
2. Sual huatna leh sual simna kan chan theih nan Thlarau Thianghlim tihharhna i dil ang u.
3. Pathian thutak ngainatna leh nunpui tak takna kan neih thar theih nan Thlarau Thianghlim siamtharna i dil ang u.
4. BCM Tualchhung Kohhran tinten Thlarau Thianghlim tih harhna thar kan chan theih nan.
5. Kohhran Chhungkaw tinten chhungkaw maicham din thar a, Kristian Chhungkaw din kawngah siam thar lehna kan chan theih nan.
6. BCM recognize team speaker-te leh team member-ten thahnemngai taka rawng an bawl zel theih nan.
7. Kohhranten Mission Rawngbawlha rilru kan put len deuh deuh theih nan.
8. BCM Headquarters-a Mission worker te, Field hrang hranga Field Director, Field incharge leh Missionary-te leh an thawhna Kohhranten Thlarau Thianghlim tihharhna an chan theih nan.
9. Missionary-ten harsatna hrang hrang karah sawt zawk leh chak zawka rawng an bawl zel theih nan.
10. Mission Field hrang hranga ring tharten nghet taka Lal Isua an vawn tlat a, thlaraubo veina an neih theih nan.
11. Pathian leh a Kohhran hlata awm te, hnungtawlh leh chau te, sual bawiha tang leh sual hlaim tuarten chakna thar an neih a, Pathian Thlarau pawl tharna an chan theih nan.
12. Pathian thu zirna Sunday School hi tun aia thlarau nunah kan hlawk pui ngei theih nan leh zirtirtuten tuina tak tak nen an zirtir theih nan.
13. Thlarau Thianghlim hruaina hnuaia Pathian Chibai Bük inkhawm nung leh nuam kan neih theih nan.
14. Mahni duh dan ni lova, Pathian Thlarau Thianghlim duh dana a tihharhna kan chan theih nan mahni theuh i inhlan thar ang u.